



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМАЛАР

2016 жылғы 4 тамыз

ҚР-дағы инфляция деңгейі шілдеде 0,5% болды - Д.Ақышев

Ұлттық экономика министрлігі Статистика комитетінің деректері бойынша 2016 жылғы шілдеде инфляция 0,5%-ды құрады. Бұл туралы кезекті баспасөз конференциясында Қазақстан Ұлттық Банкінің Төрағасы Данияр Ақышев хабарлады.

Ол «азық-түлік тауарларының бағасы 0,5%-ға, азық-түлікке жатпайтын тауарлар 0,4%-ға, ақылы қызметтер 0,6%-ға өскенін, жылдың басынан бері, яғни 2016 жылғы қаңтар – шілде аралығында инфляция 5,2%-ды құрағанын» хабарлады.

Ұлттық Банк басшысы түсіндіріп өткендей, «ақылы қызметтер бағасының өсуіне тұрғын үй-коммуналдық шаруашылық саласындағы реттелетін қызметтер құнының ұлғаюы себепші болды. Азық-түлік тауарлары тобындағы бағалардың өсу қарқынының ұлғаюы маусым айында қант шикізатының әлемдік бағасының өсуімен және жеміс-көкөніс өнімдері бағасының серпінімен айқындалды. Бұл факторлар инфляция деңгейіне қысқамерзімді әсер етті.».

Қазақстан Ұлттық Банкінің деректері бойынша, салыстырмалы түрдегі болашақтағы инфляция қалыпты сипатта.

Халықтың болашақтағы инфляцияға қатысты күтуі қалыпты сипатта. Ұлттық Банктің тапсырысы бойынша тәуелсіз компания жүргізген пікіртерімдер жақын перспективада да, бір жылдың ішінде де баға өсімінің баяулауын күтетін респонденттердің үлесі соңғы жарты жылда өскенін көрсетіп отыр.

«Ұлттық Банктің тапсырысы бойынша тәуелсіз компания жүргізген пікіртерімдер жақын перспективада да, бір жылдың ішінде де баға өсімінің баяулауын күтетін респонденттердің үлесі соңғы жарты жылда өскенін көрсетіп отыр.», - деді Д.Ақышев.

Қорытындылай келе, ол негізгі сауда-саттық әріптес елдерде инфляция баяулап жатқанын атап өтті. Елдегі экономикалық белсенділіктің төмен деңгейде сақталуы тежеуші фактор болып қалуда. Бұл факторлар, оның сөзінше, инфляциялық процестердің одан әрі төмендеуін күтуге мүмкіндік береді.

ҚР ҰБ шілдеде 2016 жылғы қаңтардан бері алғаш рет шетел валютасын сату нысанында өктемдік жүргізді – Д.Ақышев

Теңгенің күрт әлсіреуіне жол бермеу мақсатында 2016 жылғы қаңтардан бері алғаш рет шілдеде Ұлттық Банк 198,7 млн.\$ сомасындағы шетел валютасын сату

нысанында өктемдік жүргізді. Сонымен қатар жылдың басынан бері (қаңтардан бастап шілде аралығында) Ұлттық Банктің валюта сатып алу нысанындағы өктемдіктерінің көлемі 3,0 млрд. долларды құрады. Бұл туралы Қазақстан Ұлттық Банкінің Төрағасы Данияр Ақышев журналистерге дәстүрлі баспасөз конференциясы кезінде хабарлады.

Ағымдағы жылғы шілдедегі айырбастау бағамына байланысты оқиғаларға тоқтай келіп, Д. Ақышев «2016 жылғы бірінші жартыжылдықта мұнайдың әлемдік бағасының бір баррель үшін 28 доллардан 52 долларға дейін өскенінің байқалғанын» еске салды. Осы өсудің әлемдік экономиканың перспективаларына қатысты жағымсыз болжамдардың сақталуы жағдайында тұрақсыз және алыпсатарлық сипатта болды. 2016 жылғы шілдеде үрдістер өзгерді. Мұнайдың бағасы бір баррель үшін 52 доллардан 42 долларға дейін (немесе 19%-ға) немесе егер соңғы 2 аптадағы құлдырау (49,4 АҚШ долларынан 42 АҚШ долларына дейін) серпінін қарасақ, 15%-ға орнықты түрде төмендей бастады.

«Осы жағдайларда көбінесе шикізатты экспорттайтын көптеген дамушы елдерде де үрдіс өзгерді, ұлттық валюталардың ұзақ уақыт бойы нығаюы олардың әлсіреуімен ауысты. Мысалы, соңғы 2 аптада Ресей рублі долларға қатысты 6,2%-ға (алты бүтін оннан екі пайызға) әлсіреді (әлсіреу Әзірбайжанда, Бразилияда, Аргентинада, Мексикада, Нигерияда 2%-дан бастап 4%-ға дейін болды)», – деп хабарлады Ұлттық Банктің басшысы.

Сонымен қатар, ол 2016 жылғы 11 шілдеде Ұлттық Банк базалық мөлшерлемені 15%-дан 13%-ға дейін төмендеткенін, бұл бір жағынан, бұл банктер үшін қарыз ресурстарының құнын төмендетуге әкелетінін, ол кредиттеуді қайта қалпына келтіру үшін қолайлы, екінші жағынан – банктердің Ұлттық Банкте қаражат орналастыру операциялары тартымдылығының төмендеуіне әкеп соғатынын еске салды. Тиісінше, теңгедегі ресурстардың бір бөлігі валюта нарығына ауысады».

Осылайша, теңгенің бағамы шілдеде 4,0%-ға (338,66 теңгеден 352,25 теңгеге дейін) төмендеді. «Ұлттық Банк еркін өзгермелі айырбастау бағамы саясаты шеңберінде теңгенің айырбастау бағамының белгілі бір деңгейін таргеттемейді. Ұлттық Банктің валюта нарығындағы операциялары айырбастау бағамының айтарлықтай өзгеруін шектеуге бағытталған», – деді Ақышев.

«Ұлттық Банк теңгенің АҚШ долларына қатысты айырбастау бағамының ағымдағы деңгейі қалыптасқан сыртқы және ішкі іргелі факторларды көрсетіп отыр деп санайды. Мұнай бағасы \$40 аса деңгейде тұрақтады. Теңгенің Ресей рубліне қатысты бағамы 2016 жылғы ақпаннан бастап бір рубль үшін 4,6 теңгеден 5,3 теңгеге дейін 15%-ға әлсіреді. Мұндай жағдайда, егер мұнай бағасы бір баррель үшін 35 доллардан төмендемесе, ал Ресей рублінің бағамы бір доллар үшін 70 рубльден аспаса, бағам ағымдағы деңгейде сақталады деп санаймыз», – деп атап өтті Д. Ақышев.

2016 жылғы шілденің соңында жалпы халықаралық резервтер \$30,5 млрд болды – Д. Ақышев

2016 жылғы шілденің соңында Ұлттық Банктің жалпы халықаралық резервтері алдыңғы айдың деңгейінде қалып, \$30,5 млрд. болды. Бұл туралы Қазақстан Ұлттық Банкінің Төрағасы Данияр Ақышев журналистерге баспасөз конференциясы кезінде хабарлады.

Қаржы реттеушінің деректері бойынша жыл басынан бері жалпы халықаралық резервтер 9,4%-ға ұлғайды.

Ұлттық Банктің және Ұлттық қордың активтерін қоса алғанда, елдің халықаралық резервтері шілденің соңында \$64,7 млрд. болды, жалпы сомасы \$95,2 млрд. бағаланады. ҚР ҰБ басшысы жыл басынан бері 4,2%-дық өсім тіркелгенін атап өтті.

Автоматты РЕПО операцияларының көлемі маусыммен салыстырғанда шілдеде 5,5%-ға өсті - Д. Ақышев

2016 жылғы шілдеде ақша нарығындағы сауда-саттықтың негізгі көлемі автоматты РЕПО нарығында өткізілді. Автоматты РЕПО операцияларының көлемі маусыммен салыстырғанда шілдеде 5,6 трлн. теңгеге дейін 5,5%-ға ұлғайды, ал СВОП-операциялар 1,7 трлн. теңгеге дейін 9,9%-ға қысқарды. Бұл туралы Қазақстан Ұлттық Банкінің Төрағасы Данияр Ақышев журналистерге дәстүрлі баспасөз конференциясы кезінде хабарлады.

«Ақша нарығындағы мөлшерлеме 13% мөлшеріндегі базалық мөлшерлеменің деңгейі ескеріле отырып қалыптасты. Мәселен, 1 күндік РЕПО операциялары бойынша орташа алынған мөлшерлеме (TONIA индикаторы) жылдық 12,6% (маусымда –14,0%), 1 күндік своп операциялары бойынша орташа алынған мөлшерлеме 12,8% (маусымда – 12,1%) деңгейінде қалыптасты.», - деді Ұлттық Банк басшысы.

«Своп нарығындағы мөлшерлемелердің мөлшері девальвациялық күтулер әлеуетінің төмен екенін растап отыр», - деп атап өтті ол.

2016 жылғы 1-жартыжылдықта ағымдағы операциялар шотының тапшылығы \$2,9 млрд. құрады – Д.Ақышев

Төлем балансын алдын-ала бағалау бойынша 2016 жылғы 1-жартыжылдықта ағымдағы операциялар шотының тапшылығы \$2,9 млрд. болды. Бұл жөнінде Қазақстан Ұлттық Банкінің Төрағасы Данияр Ақышев журналистерге баспасөз-конференциясы кезінде хабарлады.

«Алдын ала \$4,8 млрд. (2015 жылғы 1-жартыжылдықта \$7,6 млрд.) мөлшерінде бағаланатын оң сауда балансы 36,6%-ға қысқаруы ағымдағы операциялар бойынша тапшылықтың ұлғаюына себепші болды», - деп хабарлады Ақышев.

«Мұнайдың әлемдік бағасы экспорт көлемі қысқаруының негізгі факторы болып табылады. 2016 жылғы 1-жартыжылдықта орташа алғанда brent сұрыпты мұнай бағасы барреліне 2015 жылғы ұқсас кезеңмен салыстырғанда 31%-ға (2015 жылғы 1-жартыжылдықта орташа алғанда барреліне \$58) төмендеп, \$40,2 болды», - деп түсіндірді қаржы реттеушісінің басшысы.

ҚР ҰБ деректері бойынша «тауарлардың экспорты 2015 жылғы 1-жартыжылдықпен (\$24,8 млрд.) салыстырғанда 30,9%-ға төмендеп, \$17,1 млрд. құрады. Тауар импорты \$12,3 млрд. мөлшерінде бағаланады, бұл 2015 жылғы 1-жартыжылдықтағы (\$17,2 млрд.) көрсеткіштен 28,4%-ға төмен. Алдын-ала бағалау бойынша шетелдік тікелей инвестициялардың таза әкелінуі \$5,7 млрд. құрады, бұл бүкіл 2015 жылдағыдан \$2,3 млрд. көп. Бұл шетелдік тікелей инвестициялардың таза әкелінуінің 2013 жылдан бастап ең жоғарғы жартыжылдық көрсеткіші.»

«ҚР ҰБ-ның алтын-валюта резервтері Қазақстанның тауарлар мен қызметтер импортының 9 айын қаржыландыруды қамтамасыз етеді», - деп хабарлады Д. Ақышев.

ҚР-да маусымда депозиттердің көлемі шамамен 1,9%-ға өсті - Д.Ақышев

Банк жүйесіндегі депозиттердің көлемі маусымда 1,9%-ға өсіп, 16,8 трлн. теңгені құрады (жылдың басынан бері – 5,3%-ға өскен). Бұл жөнінде журналистерге Қазақстан Ұлттық Банкінің Төрағасы Данияр Ақышев хабарлады.

Ұлттық Банк ұлттық валютадағы депозиттердің айтарлықтай өсуі жалғасуда деп атап өтті. «Маусымда өсу 6,6%-ды құрады, ал жылдың басынан бері теңгедегі депозиттер 43,8%-ға өсті. Шетел валютасындағы депозиттер маусымда 1,3%-ға, ал жылдың басынан

бері 12,0%-ға төмендеді», - деп хабарлады Д. Ақышев.

«Нәтижесінде депозиттерді долларсыздандыру 2016 жылғы қаңтардағы ең жоғары 70%-дық деңгейден 2016 жылғы маусымда 57,6 %-ға дейін төмендеді. Бұл ретте маусымның қорытындысы бойынша заңды тұлғаларда теңгемен және шетелдік валютамен депозиттер тең болды (шетелдік валютамен депозиттер үлесі 50,5%-ға төмендеді). Жеке тұлғалар салымдарының құрылымында шетелдік валютамен депозиттер үлесі 67,5%-ға төмендеді», - деп қорытындылады Ұлттық Банк басшысы.

Банктердің қазақстандық экономиканы кредиттеу көлемі 0,2%-ға ұлғайды
Д.Ақышев

Банктердің экономикаға кредиттерінің көлемі бір айда 0,2%-ға 12,5 трлн. теңгеге дейін ұлғайды. Бұл жөнінде баспасөз-конференция барысында Қазақстанның Ұлттық Банкі Төрағасы Данияр Ақышев мәлімдеді.

«Теңгемен кредиттердің 0,7%-ға өсуі жеке тұлғалармен қатар (0,6%), заңды тұлғаларды кредиттеуді (0,7%) ұлғайтумен қамтамасыз етілді», - деді Д.Ақышев.

Сондай-ақ, ол «шетелдік валютамен кредиттер керісінше 0,6%-ға (жеке тұлғаларға – 1,7%-ға, заңды тұлғаларға 0,4%-ға) төмендегенін» атап өтті.

Шағын кәсіпкерлік субъектілерін кредиттеу, ҚР ҰБ деректері бойынша, 2016 жылғы маусымда өзгермеді деуге болады (өсу 0,4%-ға) және 2,7 трлн. теңге құрады (экономиканы кредиттеудің жалпы көлемінен 21,8%). Жыл басынан бастап шағын кәсіпкерлік субъектілерін кредиттеу көлемі 32,0%-ға артты.

Ең жоғары кредиттеу қарқынын маусым айында байланыс (3,2%-ға), ауыл шаруашылығы (1,6%-ға) көрсетті, - деп сөзін қорытындылады Д.Ақышев.

Толығырақ ақпаратты мына телефондар бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz